



Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqqut imaattoq saqqummiuppara:

**Naalakkersuisunut apeqqut: COVID19-ip Nunatsinni pitsaaliornissaa pillugu**

- 1. Nualluussuaq nunatsinni pitsaaliorniarlugu suliniutit annertuut assigiinngitsunut sammivillit pilersarusiorneqarlutik ingerlanneqarnissaat naalakkersuisut eqqarsaasersuutiginnigilaat?**
- 2. Nualluussuaq pitsaaliorniarlugu Nunaqarfinni eqqiluisaarnissamut erngullu aqquataannut tunngasut pitsannorsarnissaat naalakkersuisut siunnerfigaat?**
- 3. Nunaqarfinni illu sulliveqanngitsuni illu sulliviit sanaartornissaannut kommunit suleqatigalugit aningaasalersuinissaq Naalakkersuisut eqqarsaatigaat?**
- 4. Nunaqarfiit eqqiluutsuutiguk – Nunaqarfinni tamani eqqagassalerinerit tamarmik kommunit suleqatigalugit piaartumik aqqiiviginissaat naalakkersuisut eqqarsaasersuutiginnigilaat?**
- 5. Nunaqarfimmi Itillimi eqqiluisaarnikkut eqqaavilerinikkut il.il. sullissinerup pitsaalluinnartup Nunatsinni nunaqarfinni tamani atuutsinneqalernissaa kommunit suleqatigalugit Naalakkersuisut sulissutiginiangilaat?**  
(Inatsisartuni ilaasortaq Jens Napâtök, Parti Naleraq)

**Tunngavilersuut:**

Covid19 nualluussuaq ulorianartoq nunarsuarmioqatigiinni atugaalerpoq katattussaajunnaarluni, atugaanera sakkortunerulersarlunilu sakkukinnerulersassaaq. Taanna nualluussuaq nunatsinni pitsaaliorniarlugu suliniutit annertuut assigiinngitsunut sammivillit pilersarusiorneqarlutik ingerlanneqartariaqalerput, qanoq iliuuseqarneq makkuninnga imaqartinneqarsinnaavq:

- Pinaveersaartitsineq aqutigalugu qanoq iliuusissanik qaarmarsaaneq ingerlaavartunngorlugu suliarineqassaq.
- Nunaqarfiit tamarmik imeqarnikkut atugarisaasa pitsaanerulernissaa.
- Inoqarfinni illut amigaataasut tamarmik nunatsinni najugaqavissunit sanaartorneqassasut.
- Nunaqarfinni Illut nutaat tamarmik uffarfeqarlutillu kuuinnartunik anartarfeqalernissaat anguniarneqassasoq.
- Nunaqarfiit illu sulliveqanngitsut tamarmik sanaartorfiginissaannut kommunit suleqatigalugit aningaasalersuisoqassasoq.
- Inoqarfinni tamani eqqaaveqarnikkut ajornartorsiutit pinngitsooratik piaartumik aqqinneqarnissaat suliarineqassasoq.



partii naleraq

Nunatsinni tamanit tusaamaneqarpoq Nunaqarfik Itilleq Sisimiiunut nunaqarfiusoq eqqiluilluinnartuusoq, tikillugu tupinnaannartumik eqqiluitsuunermigut nuannersoq, najoruminartoq. Itilleq taamaappoq, innuttaminit paarilluarneqarami aamma eqqiluisaarnikkut saliisarnikkut, eqqaavilerinikkut, annartarfilerinikkut pikkorissunik sulisoqarami. Itilleq maligassatut isigalugu itillimi eqqiluisaarnikkut siuttuat ukiuni tulliuttuni nunatsinni nunaqarfinnut agalatillugu pikkorissaatinneqarniarli.

Ullut sulliviit qulit qaangiutsinnagit akineqarnissara kissaatigaara.